

Tèm Referans: Konsiltan pou Kowalisyon pou Prevansyon Vyolans sou Fanm ak Tifi

KONTÈKS

Nan kad Pwojè pou prevansyon vyolans sou fanm ak tifi kote 8 òganizasyon mete ansanm pou fè yon kowalisyon pou Prevansyon Vyolans sou Fanm ak Tifi. Pami yo, 1 ladan yo ap bay sipò teknik sou metodoloji SASA! ak Kore Tifi, 1 nan yo ap bay sipò òganizasyonèl pou ede ranfòse chak òganizasyon, 3 nan yo ap enplemannte Kore Tifi nan kominote pa yo epi, 3 nan yo ap enplemannte SASA! nan kominote pa yo.

I. OBJEKTIF KONSILTASYON AN

Konsiltan Kowalisyon pou Prevansyon Vyolans sou Fanm ak Tifi a ap genyen pou li ede nan jesyon administratif pwojè a pandan dire kontra li, sitou nan asire bon jan swivi finansye ak pèmèt patnè finansye a jwenn bon jan rapò.

II. DESKripsyon Jeneral Kontra A ak Reskonsabilite Konsiltan An

- Planifye rankont administratif pwojè a regilyèman pou asire bon jan swivi.
- Ede Kowalisyon an kreye bon sistèm pou rapò finansye, klasifikasyon dosye finans, ak fòm pou rapò naratif, ki koresponn ak bezwen patnè finansye a ak patnè kowalisyon k ap bay sipò teknik ak sipò òganizasyonèl. Sa kapab genyen ladan vizit bò kote chak òganizasyon patnè nan debi pwojè a, divès kote nan peyi a.
- Eseye ranfòse sistèm finans chak òganizasyon, an kolaborasyon avèk lòt manm kowalisyon an ki bay sipò òganizasyonèl.
- Konpile rapò naratif omwens de (2) fwa nan men chak patnè, e kowòdone finalizasyon rapò naratif pou patnè finansye chak lane, an anglè.
- Bay chak òganizasyon sipò ki nesèsè pou yo kapab reyisi ranpli e swiv sistèm rapò finans konsiltan an mete an plas. NB: Sa kapab mande vizit bò kote divès patnè yo divès kote nan peyi a.
- Rete an kominikasyon sere avèk òganizasyon k ap bay sipò teknik ak sipò òganizasyonèl pou bay rekòmandasyon pou ranfòsman 6 òganizasyon k ap fè enplemantasyon SASA! ak *Kore Tifi* yo.

III. TRAVAY POU LIVRE

- Fòm rapò finans ak naratif ki koresponn ak regleman bayèdefòn ak rekòmandasyon òganizasyon k ap kowòdone Kowalisyon an.
- Nòt soti nan chak rankont administratif nan yon google docs.
- Rapò final finans ak naratif pandan de (2) fwa ki pran an kont nan tout entegralite yo tout rapò 8 òganizasyon nan Kowalisyon an.
- Rapò chak lane pou patnè finansye, 2 semenn anvan delè yo bay pou òganizasyon yo kapab bay fitbak e remèt li.

IV. DIRE ak DAT LIMIT

Fevriye-Mas: Maksimòm **20** jou pou fè:

- Oryantasyon/preparasyon/ lekti dokiman tankou pwojè a, rapò lòt konsiltan ak denyè rapò chak patnè,
- Vizit chak nan 6 patnè nan zòn yo nan peyi a;
- Ekri rapò sou vizit yo;
- Fasilitasyon konvèsasyon ak ekip jesyon kowalisyon omwens chak mwa e lè gen bezwen.

Avril/Me: Maksimòm **7** jou pou fè:

- Fasilitasyon konvèsasyon ak ekip jesyon kowalisyon.
- Kore chak patnè si nesèsè pou asire eleman yon bon rapò
- Fè rapò naratif ak finansye pou bayedefòn anvan 20 me pou li ka tradyi/ finalize anvan fen me 2021

Jen: Maksimòm **2** jou pou fè:

- Fasilitasyon konvèsasyon ak ekip jesyon kowalisyon omwens chak mwa e lè gen bezwen.
- Reponn kesyon bayèdefon, si genyen.

V. RESKONSABILITE DEPASE FWONTYÈ YO (KÒM ÒGANIZASYON K AP KOWÒDONE KOWALISYON AN)

- Pataje tout dokiman referans ak kowòdone pwen fokal chak òganizasyon lè sa nesèsè.
- Patisipe aktifman antanke manm kowalisyon nan rann enfòmasyon, rapò, ak bidjè kowalisyon disponib.
- Peye konsiltan an chak mwa selon yon fakti li jwenn nan men Konsiltan an.

VI. PWOFIL KANDIDA

- Omwen 3zan eksperyans nan jesyon administratif yon pwojè.
- Kapasite ak eksperyans nan ekri rapò finansye ak naratif.
- Konprann bon prensip finans/ regleman finans.
- Eksperyans nan konstwi kapasite òganizasyon de baz.
- Disponibilite pou planifye ak vwayaje plizyè kote nan peyi a (Konsiltan an reskonsab pou mwayen transpò li).
- Bon kapasite nan lang Kreyòl (pale, ekri) nesèsè.
- Bon kapasite nan lang Angle (pale, ekri) yon diplis.
- Kapab travay ak moun ki genyen lòt reyalyte ki diferan.
- Dakò pou swiv tout prensip ak regleman sou asèlman seksyèl, eksplwatasyon seksyèl ak pwoteksyon timoun òganizasyon an mande l swiv, epi demontre bon prensip nan kad travay ak nan lavi pèsònèl.
- Demontre respè pou tout moun nan tout sikonstans.

VII. EGZIJANS pou DEPOZE APLIKASYON

- Remèt yon profòma ki detaye pri pa jou (vwayaj ak jou travay depi lakay), yon CV, lèt motivasyon ki rezime eksperyans ki gen pou wè ak konsiltasyon an, ak 3 bon referans nan consultant@beyondborders.net anvan dat 19 Fevriye 2021.